

四庫全書

集部

欽定四庫全書

文苑英華卷八百九十五 宋 李昉等 編

職官三 南省

尚書右僕射姚貞公碑一首

贈左僕射裴倩碑一首

吏部尚書蕭灌碑一首

戶部尚書楊執一碑一首

故中散大夫守尚書右僕射上柱國賜紫金魚

袋贈太子太保姚公神道碑 權德輿

公諱南仲字某吳興武康人姚墟媯水根抵峻茂後漢
青州刺史恢始違難東徙周華州刺史北絳郡公僧坦
以行義道術聞生二才子曰察曰最最仕隋為蜀王友
六葉至公魯王父績仕絳州曲沃縣令王父玄宋州宋
城縣令烈考發天寶中舉秀才十上不合慨然自奮從
西平王哥舒翰于隴上積功勞至右領軍衛將軍他日
以公之勤贈國子祭酒公抗行厲操清方謙儉以規為

軫

集作瑱
出國語

以禮為輿以多文

集作
學

為富以不貪為寶潔

如大圭鏗若黃鍾弘毅以任重溫良而能斷自射策筮
仕至于綏吉祿啓手足繇是道也其初應制條對理道
授太子校書內史吏部表其才能凡三結黃綬至萬年
尉前後考課為府中最擢拜右拾遺久次歷右補闕發
文石封皐囊諷議十年彌縫百度大歷中中宮憫冊既
卜壽原陳古義以上達疏近郊之非便即日詔可下其
章於宰司特超五階被以命服執事內詔以上賀近臣

脩職而競勸服薦紳者誦之執簡記者書之辱以本官
充理匭使今皇帝嗣位之初慮化不下究以通邑長人
導利之源出於蘇州海鹽縣令韓晉公滉時總方任延
於幕庭改殿中侍御史興元歲大路集作省方深燭理

本東求峻人徵詣行所洎清宮旋蹕拜左司員外郎紀
綱品式練達明備轉兵部員外郎時武師告成祲沴肅
清四征羣帥條上功級材官勇爵差次賞典受命顯達
疇庸式叙遷本司郎中凶旱之後被邊糴食近關蒲晉

十餘城之地因其微令悅以平稅乃董使車贏糧息人拜御史中丞歲中換給事中正色匪躬清公不苛大朝

以肅右

集作左

曹亦理明年授同州刺史三載考績復以

御史中丞領陝府長史陝虢觀察使居五年就加右散騎常侍左輔有離宮公田之劇焉陝服居函關砥柱之衝焉於二千石元侯之選斯近而重賦政廉平馨香流聞以脩班制以厚風俗上以靈昌居兩河之郊鄭為支郡是皆要害且今勁兵處也自丞相魏國公政成入弼

厥後守臣再物故而魏公之澤寢遠思得寬明忠智之
長以輯柔之進公左散騎常侍御史大夫為滑州刺史
鄭滑節度使於是握兵符乘單車惠然簡易入布條職
恤鰥寡用仁制強禦用明居常以柔克臨事以貞勝士
吏悅勸夫家寬息阜俗成師納忠閉邪衆情皆懼而公
益厲十六年介圭來朝宰讓師帥繇是詔魏公以左僕
射居相府命為右僕射公既得請命其軍司盧群以代
焉為仁由已是稱方國之表知臣者君乃膺師長之任

詔太常具儀法以涖中臺禮官贊引宰政為客諸曹羅
拜於堂下郎吏捧牘於階序禮成渥緡秉直者榮之虔
奉朝請恪居官次愷愷然守業修職未嘗以耆碩尊禮
自處山甫之匪懈考甫之益恭古人與稽華髮彌固十
九年秋七月乙亥感疾薨于宣平里第享年七十五天
子廢朝悼歎俾中貴人弔祠追命為太子太保恩之所
加可勝言哉惟公粹和而能貞厲恬淡而有儀矩履方
持重坦坦光大詩曰愷悌君子求福不回言樂易而不

違於道也又曰靖恭爾位好是正直言遭明君其道行也斯二者君子謂公得之夫人河南縣君元氏魏景穆

帝之裔宣州錄事叅軍光宣

集作宗

之息女也和易淑柔

以肥家道先公而沒十八年矣嗣子太僕寺主簿充潔清好古誠信得禮與其弟亮茹毒問卜以閏十月巳酉奉公之喪與夫人之殯合祔之

集作子

少陵原黃渠里以儉襄事率循家法雖宗姻四布皆泣而辭之且曰理命也猶懼先人懿實寢而不章刻茲窆石以永終古銘曰

黃目鬱器禮神所貴佩玉金龜君子是衛

集作宜

秩秩姚

公其心秉彛抱義戴仁造次無違公之所履中立不倚

廉車淑旂所嚮風靡正

集作政

無吐茹道若砥矢事君愛

人斯謂至矣中臺崇崇端右宗公皇明嘉獎陟是師長

卓爾道行倏然化往少陵鮮原羨櫝新阡龜筮告繇

集作

猶塗芻儼然白驥蕭蕭黃渠漉漉姚公之德兮揭此貞

堅

尚書度支郎中贈尚書左僕射正平節公裴公

神道碑

前人

王者奉三無私以勞天下則崇德報功加恩飾終與覆載照臨相為用一也惟正平節公以愷悌文敏為二千

石尚書郎人浮於食位不配德纂積後之緒業貽克家

之燕翼流光裕盡為世

集作代

師式乃

集作及

元和二年夏

五月追命告贈為尚書左僕射孝本乎忠榮生乎哀用
攄罔極以刻金石云公諱倩字容卿河東聞喜人其先
羸秦同姓因封受氏魏晉已還號為多材八賢方駕百

族歸重自魏冀州刺史徽五代至中軍將軍雙虎中軍
五代至隋左光祿大夫皇朝贈元州都督忠公仁基忠
公生皇銀青光祿大夫禮部尚書定襄金牙兩道節度
行軍大總管贈太尉聞喜憲公行儉公之曾祖也憲公
生皇光祿大夫侍中兼吏部尚書弘文館大學士贈太
師正平忠獻公光庭公之王父也忠獻公生皇尚書祠
部員外郎贈太子賓客禎公之烈考也公天姿弘裕虛
受通理臧氏之有後於魯管氏之世

集作代

祀於齊遠至

之器發於岐嶷年十一以相庭推恩授家令寺丞滿歲
選部銓第甲乙補太常寺主簿居先府君喪水漿不入
于口孺慕殆於滅性宗門憂其死於孝禮文俯就衣服
外除厯華陰馮翊二郡司戶叅軍轉秘書郎俄丁內艱
毀瘠如初禮違難江介就拜洪州司馬改太子司議郎
徵為殿中集有丞字侍御史拜度支駕部二員外遷司勳郎
中秘書少監厯信饒二州刺史復徵為度支郎中其佐
鍾陵也領留府之重居議郎也贊計司之職暨登中臺

亞中秘皆兼柱下方書之任自淮而南涉江而西荆衡漢沔湘中夏口半天下與壤為都府者千數公四顯使車連佩數印督課郡國調其盈虛吏祿兵食之仰給輸將一作般轉漕之回遠法錢牢盆之制田租口賦之差權

其輕重商其功利察下人之疾苦廉長吏之善否車不輟鞅有勞於時其始受命也寇劇橫厲三川如燬陰方出師慕義助順代宗焦勞念慮命德宗以雍邸總戎賦輿所會征繕不給有詔輟東方軍市之租移用於中都

屬受鉞之臣矜功觖望師老專利便文自營公慨然牒

書譏切備至嚮之廢格悉用平鵠義夫一作士以之感激

王旅以之震躍其理信州也用寬惠誠厚輯柔所部檣

事滿野嘉禾集作生同穎年以順成人斯洽和復其庸調

四字集作復其庸亡五十室闢其農畊二萬畝交代之日不書于簿

集作籍且曰吾以恤隱豈當沽美不伐之善欲蓋而彰方

帥表理行第一增秩至正議大夫加金印紫綬其為饒

州屬所集作數代者非其人因緣權幸貪猾無狀公以廉

平頒詔條以慘怛撫痍傷四封愛戴如熱斯濯其後徵
拜也朝廷誅內臣修百度彌綸經費委重有司公以郎
吏代故相第五琦專判度支事方冀裁成九賦超贊六
職以美利利斯人令望日大天胡不惠以大厯七年秋
七月考終命於長安光德里第春秋若干以某年月日
歸全于萬年縣神禾原之大墓禮官博士以公處難不
謀其身牧人不私一作其功能固所守以行制度易嘉
名以旌往行禮也惟公直而溫簡而文才裕於物器周

於用靜若著龜動如干鏌秉是貞厲終焉節適著文集
十卷溢城集五卷比興屬和聲律鏗然引拔參佐皆一

時名士風味

集作
采

資材邁絕羣倫齒位未極為薦紳所

痛夫人京兆韋氏扶風太守恒之長女以大宗之家人

集作
家婦

諸侯之內子衿擊承訓籩豆助祭當室以敬睦親

以仁姿操卓淑音徽弘大盛德著於母儀惠心通于佛

乘五蘊不入六姻是憲始封咸寧郡君後三追錫至邠

國太夫人有子曰均以御史大夫工部尚書尹正荆門

節制上遊就加吏部尚書右僕射元和三年抗章入覲
真拜右僕射判度支加秩金紫光祿大夫由河東郡公
進封郇國歲中進左僕射同中書門下平章事撫征漢
南臨長諸侯惟郇公直清弘重有文武楨幹得時大行
為王室輔慮善以動官脩其方賦政以惠南國宣威以
靖西蜀師長百工阜成中邦兵符將印焜耀章灼樹善
程能之績勤身體遠之用居則有猶動則有功率循風
訓以復集作尊大君子曰憲公忠獻公之休烈丕矩再

世盛德屈於郎位必復之慶其在是乎初郇公之授律也孝文追贈公絳州刺史其進律也順宗贈公禮部尚書今皇帝永懷義方於是有左揆之命公之積慶郇公之孝思可謂至矣郇以三代論譏皆上台雄文猥以通舊忘其卑鄙辭則不腆庶傳信之無愧焉銘曰

河汾之東慶祉所鍾公相葳蕤德耀昭融矯矯節公體

仁修

集作循

性乃貽後昆實稟先正太尉經武太師翼聖

施于儲賓執德之柄公用循良惠于二邦公有德澤宣

于四方急病尚仁履險乘剛化被煩苦斯焉樂康吉祿
方摯壽堂已闕藹此家聲揚于令嗣恩崇鼎鉉績茂師
帥中外服勞安危注意便蕃屬任弘大名器孝理是覃
義方所自九原之中禮盛服充王三錫命綈飾宗工連
岡崢嶸介原穹崇陵谷有變令聲無窮

贈吏部尚書蕭公神道碑 張說

仁以度心施物義以由道利貞孝以養志安親慈以教
忠有後舉四行之尤善成百代之餘慶盖得之於蕭府

君矣公諱灌字玄茂蘭陵人帝高辛之苗裔也玄鳥受

命敬敷五德白雲入房網開三面微子封宋樂叔君

集作

居蕭氏族之始也相國下秦大夫師漢門閥之宗也大

齊之

集作以

肅竹應期踐皇帝之位大梁以刃木

集作木刃興

運張天地之圖傳寶祚於一家易鴻名於兩漢青蓋入

洛重南國之衣冠白馬朝周盛西雍之賓客公即梁宣

皇帝之曾玄孫明皇帝之孫大父南海王珣入隋封梁

國公慕德乾坤承靈睿哲舊邦雖改見夏鼎之時輕新

社乃封知晉圭之必大考鈞中書舍人率更令弘文崇
賢兩館學士學窮秘蹟文標宗匠廣博幽深契神無迹
溫良恭儉與道為徒是謂啓迪後昆而焜耀前烈者也
公總山河之粹氣注日月之末光心根孝友器包禮樂
動躡思後故口無擇言照在機前故身無擇行加以啓
蓬山之塞路入藏室之玄闕四科得游夏之門六藝取
鍾陽之雋年十八明經高第補代王功曹王昇儲改通
事舍人又換內直監曳裾西苑擅文士之場束帶東朝

首正人之列尋以家艱去職王戎死孝時論優之閔子
免喪哀心未盡乃不就祥縞不徹几筵者久之或曰懷
其實迷其國行其志約其親可乎哉公曰吾過矣不得
已而外除不擇官而祿仕拜國子監丞以婚姻之故出
為甘州司馬徙集嵐三州司馬轉渝州長史其從政也
及身以惠下推誠以敬上老吾老以施教幼吾幼以字
集作子人執是心也何往不濟故歷佐之郡必辟陋知方
戎蠻變俗狼戾馴軌貪饕寡欲迎新者望風而歌來暮

送故者計日而戀不足詩云淑人君子正是國人能長

人之謂也太夫人在堂有羸老之疾公因吏

集作使

入計

得扶持還京下巫峽之波上當陽之坂展轉在側殷憂

歷時夜

集作席

不安枕衣不解帶及板輿長稅扶杖不起

子春視疾加損徒勤石建執喪悲哀自絕永淳元年八

月寓居懷

集作穰

縣終於苦蓋春秋五十有九

集作七

先君

之服也三年有終公過時不釋聖善之喪也五十不毀

公戀親滅性君子曰禮也夫可謂至也

集無也字

矣夫人京

兆韋氏祖雲起兵部尚書父師實秦州都督公卿令族
蘭杜齊芬鳳凰飛鳴始正家道珠玉秀色終高母儀年
五十有四長壽元年十月逝於京師布政李奧以二年
二月辛卯合葬於少陵原之先塋禮也其孤嵩克戴聖
君以宰天下大福再成於身後湛恩廣運於泉路開元
十七年仲冬癸丑詔曰中書令嵩父某毓粹冲和降靈
辰集作神象言入精微之奧迹登賢聖之軌位不克量道
足庇人松檟雖幽音徽未集作不沫宜成追遠之慶俾宗

冢宰之榮可贈吏部尚書同日詔曰嵩母韋氏門傳一
經行包四德才淑冠乎邦族言範光乎母師誕茲寶臣
作予良弼封其石窳俾承土宇之榮表以金章永闕珩
璜之飾可贈魏郡夫人於是建宗廟脩禮物榮君後命
告我前人遠哉心乎闕思集作一敬之感會也如是垂
裕立訓克家揚名遺愛至矣慎終備矣東武公之子孫
共連塋闕南城侯之夫婦同刻碑銘詞曰

維蕭係宗出宋之子天命齊歷河圖梁紀累帝重王雍

容文史是生邦俊世濟其美仁義孝慈忠和庸祇文章
鳴鳳禮樂元龜揭館枚馬儲闡潘賈人望國華風流儒
雅歷佐列郡政成休問行立時法言垂後訓沒而益榮
進位冢卿哀感有情事傳無聲墓門松平碑自金生不
知千古誰遊九京

贈戶部尚書河東公楊君神道碑

前人

若夫孝在揚名忠歸令德事因感激氣概生焉時逢述

難勲業成馬桃李灼灼不自言於蹊逕松栢青青不受
令於霜雪窮獨善而無撓達兼濟而弗矜子曰君子哉
若人吾斯河東公之謂也公諱執一字某弘農華陰人

也司徒

集作司空按
本傳贈司徒

觀王雄之曾孫鄆州弘農公續之

孫潞州胡城公

唐宰相世系表作潞
州刺史胡城縣男

思止之子戶部尚

書相國執柔之弟觀公侍中恭仁公之伯父也安德公
尚書令師道公之叔父也在隋則二代五公在唐則一
門三相公台輔積慶稟清明之識河嶽會靈資磊落之

氣體剛毅深於城府縕規畧長於襟帶戲為軍陣敵國
之勢幼成請學兵書長城之望早集年甫十六先君捐
館七日絕飲三年泣血縞綬見禮記有制儒家歎其從禮

柴棘加等議者憂其死孝清門

集作明

祖德貴

集作勢

冑能

貧太夫人在堂有致力之養非躬藝黍稷不以供甘旨
非手樹桑麻不以薦締纊年逾一紀勤不知勞既極安
親之心方展事君之節乃濯纓璜渚獻策金門干當代
之聖君論天下之成敗秦皇覽奏屏左右而與謀漢帝

聞言膝前席而不覺一見拔玉鈐倉曹再見取尚食直
長三見寘典設郎驟進直詞深觸權嬖為易之兄弟所
嫉左授伊川府果毅又上封章帝用嘉納加游擊將軍
右衛郎將歷左清道率換右衛中郎押千騎使總統貔
虎集作武便繁肘腋故得叶心五王集作朝勦勦二豎奮飛
北洛推戴中宗嗣唐配天不失舊物以匡復勲拜雲麾
將軍右鷹揚將軍封弘農縣公賞未充庸且有後命贈
冠軍大將軍右威衛將軍進河東郡公邑二千戶賦四

百室昇之鐵券恕其十死又錫天馬瑞錦珠盤瑤爵文

綾

集作
綵文

五百縑素三十分將士以上腴

集作三王
之上腴

處五

等之高列琯戈紫綬環衛於鈎陳玉璫黃流侍祠於清

廟豈知繫結梁魯政回

集作
出

豔哲里克納惠而為戮萇

弘

集作
叔

成

疑作
城

周而見咎彼五績之摧頽此三黜之迤

躋出為常州刺史以太夫人年

集作
羸

老乞避卑濕特降

中旨轉牧晉州駙馬都尉瑯琊王同皎親賢地切休戚

圖深安劉之策未遂鍾室之災先及吏扇分

集作
紛

獄公

陷關通賤徙沁州刺史不知事仍長在夜魂九逝非北
首而無歸晝戶重扃異南冠而同縶果能推分榮辱忘
懷生死人不堪其憂公不改其操久之盡削官封放還
侍母梁山雨雪不隔魯集作曹氏之思王畿風景來就潘

園之養尋而大勲不廢天道復反歸既奪之井邑起故

時之將軍擢衛尉卿復初封爵巖巖劔閣集作山

蜀之險

要嗷嗷飛鴈人未安居饑渴仁明輯綏凋弊又授公劔

州刺史蔚彼黍苗樂我膏澤內憂遠訃殞絕經

集作逾時

於是搏膺星奔徒跣求路雨不接乘集作夜夜集作身不解

纒因心通禮朝流欽德集作款有命奪情除汾州刺史知

團結兵馬哀訴不允金革無違中國簡稽而有備單于

遁逃而遠迹詔徵為涼州都督兼左衛將軍河西諸軍

州節度督察元集作伯姓赤水軍等大使公富以農政和

以師律彰信蕃部赫怒軍容斷匈奴之臂磧路安而不

警張漢家之掖雪山開而無寇遂攝御史中丞璽書勞

徠縟賞稠疊又轉集無此字牧原州未發復授涼州都督改

右衛將軍使悉如故尋移許州刺史未到以單于款關

授右衛將軍檢校勝州都督兼處置降戶使懷柔以德

種落宜之徵還本官又兼原州都督方集作旋屬降戶翻

叛河朔倣擾邊城聳感諸將無功強脩連率夏州按察

關內羽書日夜俾遷郡牧公按甲待敵確乎不動敵騎

畏威竟無來掠向使迴避行於一步則攘竊啓於萬端

十將耗五集作五耗數年未復既而強公追媿集作捷朝端延

賞徵拜右威衛大將軍進檢校右金吾大將軍尋而即

真禁衛肅然異於他日也皇上哀庶戮之不辜念邊人

之自孽大軍之後荆棘生焉乃命公攝御史大夫為朔

方元帥公剛腸嫉惡擒姦摘非集作罪曩將之所彌縫宿

吏之所乾集作干沒匿賊散廩一徵百萬矯枉過正衆口

訶然改右衛大將軍無何復右金吾大將軍金刀更新

鞞集作鞞仍舊巖廊益峻徵道增清又集無又字改金紫光

祿大夫鄜州刺史人寬吏急猶前政也享年六十有五

開元十四年正月二日薨于官舍闔境發喪列城望祭

古之遺愛何以加焉天子傷之下詔曰故官某夙負名

義早著勲庸居內外之職備文武之任忠勤匪懈誠節

無渝奄焉徂歿情深悲悼可贈戶部尚書歸贈成賁

集作

喪有加恒數維公以孝敷聞以忠特達以幹述職以能

典兵凡領郡十四將軍十二再仗節鉞三執金吾一至

九卿二兼獨坐儼有直色

集作道

侶無媚辭銀艾復乎舊

德珪爵傳乎祚齊

集作肅

全志節於夷險與福祿而終始

諡曰忠公朝之令典也夫人新城郡夫人獨孤氏左威

衛大將軍贈益州都督卿雲之女也婦德母儀中外師
範開元四載先公即窆以今十五年六月合葬於咸陽
之洪瀆川禮也其孤濯汪等銜恤靡訴託詞疇識感稱
代之垂文哀劬勞之罔極銘曰

堂堂楊公神密氣雄苦身難

集作
艱

孝正國危忠落彼狡

童樹此帝功昔稱闕西今也河東觀王之裔珠華玉麗

重葉尚主三朝嫡帝韡韡七德詵詵

集作
旻旻

六藝公之亢

宗鬱為世濟涼鎮西土朔

集作
邦

臨北隅天子授斧

集作
鉞

將軍剖符青蛇入笥白獸銜珠去持玉節來執金吾轉

余士風

集作瓜士

守于廊時明察號神仁恩名子武都右折

文昌星死素蓋歸飛黃泉已矣卜葬卷阿哀榮孔多尚
書鼓吹太守虞歌碑流雨迹松引風過獨傳集作封茅土

長誓山河



文苑英華卷八百九十五

欽定四庫全書

集部

文苑英華卷八百九十八至

詳校官庶吉士臣龍廷槐

助教臣常循覆勘

總校官進士臣朱 銜

校對官助教臣羅萬選

謄錄監生臣毛 杞

欽定四庫全書

文苑英華卷八百九十六

宋 李昉等 編

職官四

南省二

禮部尚書褚无量碑一首

刑部尚書韋抗碑一首

工部尚書鮑防碑一首

贈禮部尚書褚公神道碑

蘇頌

昔軒轅至孔丘師止十一名之聖者今天下尊皇帝學

踰三五教之神者既學且師考今猶昔蹈道從事伊褚
公馬公諱无量字弘度其先邑河南之陽翟十一代祖

盛後漢海鹽長子孫因居遂為吳郡海鹽人也

二唐書
作杭州

盛官人
未詳

五代祖陽齊民部尚書駙馬都尉嗣錢唐侯高

祖遼民梁鄱王國常侍曾祖仁弘陳始興王法曹叅軍
暨陽令祖範隋豫章郡丞父義宗皇贈使持節和州刺
史自微子封宋以迄于恭恭裔食褚因而得姓迺侯迺
戚或史或儒粵不可量已豈岳鎮天峻是先人之郡國

將河清世平當天子之門館靈其效矣公實休哉上哲
鍾懿元和育粹忠乎孝乎盡至於至寬得衆易有親晦
而明微而闡其立行也絲白不染不成黼黻砥黃不礪
不就純鈎寢思益居待問功可倍論可博其立言也始
吳興沈子山吳郡曹福授以經次吳郡張嘉會授之史
演至贖平抵牾研至精起廢疾貫心則中達革其餘師
乃厭服爾為宗匠逮攝齊膠序揚袂河洛罔不企獨立
以先赴聆遠音而響從猶彫材之有楸枏絳翼之有鷁

鳳下制家

一作嘉

辟用超倫等即拜成均直講轉右鷹揚

倉曹叅軍直講如故稍遷成均助教累至國子博士朝
散大夫國子司業崇文館學士嘗二仲齋祀會一時髦
彦主賓難折羣疑應不敢夸官闕單不能曜旗鼓太夫
人在東也庭闈是思鍾釜不違遂罷而就養我聖皇居
震也司過惟吏聽聰則書復徵以侍讀及回金輅問辟
雍搖柄前席有丞有祝聲羣奔以坻頽辯連屬而河瀉
是日中賜章綬并時服雜綰就拜銀青光祿大夫以昭

其業上正位遷郊王傳國子祭酒轉左散騎常侍特封
舒國公實食二百公雖傳天人司國子然而載啓載沃
百氏之言滿中禁日尊日事五更之禮存上庠故珥貂
寵而刑馬誓也尋與中令洛陽張說侍郎武功蘇頲黃
門郎趙郡李文等開講序於掖垣悉上其昌言嘉譽可
體要經遠者京都之政起有軒墀齊魯之風成於寓縣
公以遭盛明而華皓不息迺作帝師懷喜懼而斑斕未
旋孰為人子灑零獻懇于再于三重論思而久駐修切

至而方遣臨軒贈詩盈篚將意華宸省而偉晝遊焉居
無何太夫人即世公禮不當毀號而殆滅遂於瑩兆之
側伏苫塊時松楸鹿常犯之公祝乃止應物也通神也
有如是乎喪既除驛徵至仍舊左常侍兼侍讀登朝則
老臣布武自屏不趨侍講則宦者平肩必輿而進皆別
旨之非常也上復以舊章散落羣籍湮墜張購令据逸
文補其缺刪其謬勅公於都即東都乾元殿京即西京麗正
殿總而成之上帝之瑩先王之府委墳索流筆墨可滌

玄覽而照清光耶日者皇太子志於學齒于胄演經則
太師憑几納誨則元良降席諭夫錯中形外一物三善
者禮如前粵開元庚申歲正月哉生魄景命不造遘疾
薨於長安崇仁里之賜第春秋七十有五王輟朝不視
旅次而哭遣中使潺湲以恤故盼近臣獻欵以追往乃
贈禮部尚書賻物四百段米粟四百石小宗伯陳祭儀
亞京尹護喪事歸則本州刺史帥屬厚加焉僉謂公進
以秉德動而率禮自石渠延首金華造膝時屬升賢良

杜讒佞雖明慮天斷匪獨開陳亦謹辭日聞寧虛聽受
若藏器者諗無藝出裘者思有惠使輕革也之說傲嬰
也之譏又安能是果良圖中比則隱之徽章之末所撰
儲君翼善二十篇帝王要覽二十二卷帝王紀錄二卷
心鏡三十篇刪正論語孝經疏各一部每條上則留中
錫之孔殷盈不可數大抵以義約以文見俾興文有兆
消長無傾規乎諷乎類乎指乎行之則是聞足自戒不
然何以皇賚之聖叶之至於斯也化益淳儒益信則郊

廟有典賓軍有容發揮牲玉斟酌犧象必咨焉度焉此
又衆之難公之易薨後羣學士於書殿中得講史記至
言十二卷即日聞之上悼甚重賜其家絹五百疋試為
我著常奏新篇從取其書竟賫遺草悲夫粵某年仲冬
甲子歸祔於錢塘臨平山之舊域容軒止塗喪服會葬
者數百顧而歎曰公何學也何師也則我副闕惟君是
登皇極天子之子是作孟侯皆受於公矣董則五朝典
學無同道之用桓則三世各師有殊特之美曾不可援

疑作
牧 以事舉諸凡卓哉使後之人泛微波攀絕迹者我

公也太常易名曰文宜也長子河南澠池主簿庭詢次
左拾遺庭誨次京兆渭南縣尉庭賓三子之戚二連所
善居家嗣徽繼世承烈則仲弓之有元及李伯起之傳

疑作
傳 秉及賜故遠邇嘉之吳江漫兮將海合吳岫重兮

與天沓公是屬兮公是安仁則返兮儉乃完異樹行兮
生也志他石篆兮于也刊噫不慙歟寄之銘曰

昭昭府君生代叶期儒有斯文帝王者師探幽典墳贊

道雍熙其德彌芬其馨益祇訓由老成榮以恩屢資孝
是悅資忠是務禹嘗獻著光不言樹專禘之學啓書之
賦六經芳兮七命章戴頻頻兮服煌煌無還齡兮有去
光未飾疑杖兮歛擁疑推作梁宸極淒兮門人慕悲風起
兮轅馬顧背西時兮即東路路阻修兮日悠悠旌旒思
兮空山秋吾見業可久而名不朽者猗那禘侯猗那禘
侯

刑部尚書韋抗神道碑

前人

天下膏腴之土莫若雍州雍州紱冕之多莫若韋氏粵
自殷伯傳于漢相昌而世濟美慶不乏賢高矣乎猶秦
塞出華岳西連於嶠冢大矣乎猶濁河納清渭東至於
溟渤言之者可備也故周隋創歷後又疑作當朝惟我

二君迭為二祖道公其首鄖也其仲處有山林之節糠
粃俗塵出為廊廟之器丹青世道鄖之子太僕少卿陵
州刺史武陽公諱津是生銀青光祿大夫太子詹事贈

秦州都督諡曰貞諱璿

唐宰相世系表作琬

是生司農丞贈金州

刺史諱暢皆素風清範百代一時公諱抗字抗闕金州

府君第二子也八歲精易十五讀春秋深入爻彖試論

臣主及貴疑有闕字便成誦具解理微義中初以明經射策

補魏州叅軍立於稠人端若一鶚復常調就太子典膳

丞亟換岐州司倉雍州司戶右輔要劇上京浩穰九年

致豐兩訟舉直升左臺殿中侍御史轉尚書主客吏部

二員外吏部郎中侍中執憲者雖譙郡桓彥範廣平宋

璟大選持衡者京兆韋嗣立河內司馬鍾並遠識高量

領賢進善齊白簡共青縑者范陽盧懷慎子從愿趙國
李又吳郡陸象先隴西李朝隱武功蘇頲為四公特賞
推數子之器公益文墨自持準繩不雜拜洛陽令役人
好惠務約刑清刻石而傳鳴桴自止遷

一有
右字

御史中丞

兼禮部尚書法明象魏禮達邦家外守其則內脩其度
遷兵部尚書戎政孔殷夏司多僻作姦犯科者莫忌接
利乘便者皆是公凡易四年濯一作
灑然一變發其狙詐
成我鷹揚別加銀青光祿大夫除太子左庶子閑以珍

攝德以調護而巴蜀方隅西南斗絕戎常犯軼蠻或離
叛討則勝不補亡馱造端之口綏則靜而作乂翹致理
之心命公為益州大都督長史持節巡按公至革乎弊
順乎美暑往寒來人不知用風雨時順一作春風時雨物果遂
宜入拜黃門侍郎東密黃扉右一作左嚴青闥半股肱之
委總脩飾之裕上間燕顧近臣言韋抗朕素知之何適
不允大鴻臚今典賓客之事古稱行人之職俾令即序
期以不濫抗宜兼授登叶睿圖遷御史大夫持節朔方

軍大總管擇副宰御

一作微

元帥廷諍已決廟謀先假挫

貪人於敗類追桀虜於奔亡公之績也會涼州都督楊

敬述羽林將軍郭知運失律搖憲喪師倚權公確乎不

拔條奏其罪公之正也以郡縣吏坐贓發覺貶安州都

督尋與之蒲雲

疑作雷

澤之庶河濱之阜聲淪輿沫

左傳作沫

頌被和樂未幾拜為大理檢校刑部尚書欽若刑柄繫

於人命士師之望平寇之成

一作士師之平司寇之成

安以手足所

措慎以毫釐之失繫賴公勿喜斯得不寃而待筭則摧

其巧

一作功

粉飾則杜其效上將登封岱山留睞洛邑延

企遲居徘徊往俞因謂公曰朕思久之罔出卿者迺仗

公作鎮還贈武陽伯兼使部銓斥浮動甄貞實妍媸露

求當之途勢利塞

一作室

容非之鏡復盧從愿暨頤受恩

聯召崇朝交臂至信相款他日攜手微疾應問豈期搖

落素秋宵寘玄夜開元十四年八月某日薨於洛之永

義里第享年六十嗚呼人之望公以宗伯

四字一作士之宗凡百姓

避公陟台階佐王道始則夷路翹首終而亨衢鍛翻吁

嗟全德孤我具膳而勝氣標準

一作曾標

色莊辭定舉不忤

物行不由徑獨而不黨三者無惑聞義於卜商起予立

誠於鮑叔知我撫遺恤寡常所空匱以奮藻揮

一作毫

轉為神速故大課典暮必咨於公是亦施政何遽甕也

旒辰深撫牀之痛纓綏惜和鼎之實蓋如鄭國僑虞之

竒楚子文魯公儀不其偉矣詔贈太子太傅護葬及窆

備物加等太常考行曰貞粵以某年某月日卜葬於京

城東南少陵原禮也笳鐸晨送烟霜曉發葬者藏也儉

則自完素車出日

一作祖

縞服來至吉先兆於著蔡哀更

傷於松栢光昭之事克恭懿之道存此曷為然其不捐者三子長京兆士曹叅軍曰載次昭文生曰翹幼某公侯必復美秀而文可以崇京兆之阡屬扶陽之館公之季左司郎中萬年令澤州長宋曰某松栢之林也公最友歟疑毒天倫之孔艱思我兄之不及疇云撰勒其寄雕刊以頌爰在弱齡獲知君子牙琴不賞慟哭茲晨樂弩仍懸沉羸歲晚銜悽固托撫疾何成愧不得絕妙好

辭披文而相質爾銘曰

國大司寇家大彭氏亡世疇貴府君鍾美衣冠禮樂盡
在是矣講信脩睦自求諸已命之以官其直如矢秉之
以憲其清若水遽登金華終列瑤祀威震蠻貊信夫邊
鄙曰刑曰政載敞載理公輔未升官人作紀奈何遠韻
忽頓高軌跡滿清時事昭緹史微言遂絕令問不已巖
綠南望樓丹北峙或向城闔或臨松梓盛烈孤邁羣悲
四起

工部尚書鮑防碑

有唐尚書東海宣公姓鮑春秋六十有九公從三十六

載致政二

一作三

年歷官二十五凡居達官之長十二領

四嶽十三州牧之寄三貞元六年秋八月丙申薨于洛

陽私第冬十月旬有七日從先公于北邙南原

一作郊

詔

贈太子少保給鹵簿鼓吹旌其卒葬後三年嗣祖宗由

惟中古封樹之制且曰丘隴與年代相推幾何而平松

栢與霜露相薄幾何而盡將令百代之後游九原者徘徊

徇不朽之烈歎息可作之美其惟金石刻乎是用建碑

表墓以揚先懿公諱防字子慎河南洛陽人其先蓋夏

禹之苗裔春秋時杞公有仕齊者食采於鮑因以命氏

曾祖標

一作
諱

皇隴州汧陽令祖仁爽雅州飛越尉贈眉

州刺史父思溫彭州唐昌丞贈工部尚書皆盛德下位

發祥於公天寶中天下尚文其曰聞

疑作
文

人則重侔有

德貴齒高位公賦感遇十七章以古之政

一作
名

法刺譏

時病麗而有則屬詩者宗而誦之舉進士高第調太子

正字中州兵興全德違難辭求王去來填為李光弼所
致光弼上將薛兼訓授專征之命于泉越輟公介之始
兼訓之奉光弼也以順命為忠不及於義公知光弼之
不終也諭而絕焉東越仍師旅饑饉之後三分其人兵
盜半之公之闕兼訓也令必公口事必公手兵兼于農
盜復于人是時中原多故賢士大夫以三江五湖為家
登會稽者如鱗介之集淵藪以公故也徵拜尚書郎優
游公卿間執政者以代言之司見屬無何薛兼訓寢疾

太原上以北門寄重軫念於薛思所以貳而代之者莫
與公比召對勞賜寵而遣之公之至也人不知其帥之
疾帥不自知其疾及其代也由亞尹中丞洎居守專征
之倅各遷其任

一作各
還其長

兵自勇厲至于輯睦人自安業

至于移風政自無闕至于有典代宗嘉歎之不足圖寫
公形列于別殿蓋麟閣名臣之次也三載朝覲屬今上
嗣位惟新大政授公紀律伴作典刑拜御史大夫旋以
文武之柄方鎮為大南國萬里伴之師長統閩越轉江

西公之撫人也以家勤之以子愛之利用用之厚生生
之詔加銀青光祿大夫右散騎常侍紀成績也真拜右
常侍扈從巡狩轉禮部侍郎上還錫京展謝郊廟公預
太常折無文之禮進封東海公詔徵賢良求其讜言時

薦

一作員

仲兄不敢違詔承詔

絕句

實蒼生利之宰臣病之

與公並命考第者以為異日故事言或有犯投之不疑
焉公曰使吾聞所未聞聖朝之瑞也擢居甲科每歲貢
士充于王庭心為靈龜事絕請托京師仍歲蝗早務殷

人耗拜京兆尹詔下風行令宣政舉威革難理惠周無告既而痿痺生疾陳乞遂閒上置上將軍員以待功臣先用文儒耆耄以寵其選拜右武衛上將軍厥疾加劇

優詔授工部尚書致仕徙家東周富天祿貴天

一作爵人

樂天命頤天和以終夫天年嗚呼賢哉公德本於孝才歸于周從王牧人即戎臨事大畧以忠肅慈惠沉毅莊敏為稱喜善怒惡不必為已論交任人必惟其忠入為羽儀出作藩翰夔夔然以家人嚴君之義屬于長兄蓋

什卿之祿千乘之賦一以奉之四時賓客之事車服器
用之費一以稟之公與夫人視諸孤羣從唯所授公不
敢以禮秩異夫人不敢以居有私而敬恭和樂之道於
是乎父御史中丞武威賈全公之甥也少長於我登朝
異門教切義方慈均天性故全之報也稱天下甥舅加
禮焉三字一作加馬受焉鄭滑節度使隴西李融公之吏也推以
腹心齊厥憂寵歷佐三道其間如一故融之報也類天
下賓主加歡焉於全也見公之內於融也見公之外然

則公之行已與人可知矣夫人蘭陵郡夫人蕭氏始佐公賢終成公貴及公既歿清風如同二孤前左衛兵曹叅軍殿中省進馬宗叅以文學世公之業孝友繼公之志猶日不足以抒夫罔極於是乎發揚垂裕之義作為銘曰

穆穆宣公為王蓋臣終始明哲優游寵勛在昔理平逢時尚文高唱寡和長才不羣星河麗天卉木榮春羽翰方睦風雲

一作雲雷
疑作雷雲

構屯乃佐戎帥名屈道伸乃登天

朝盛美惟新茫茫南國赫赫北門股肱王室父母生人

執憲成式尹京作則春官主文宗

一作當

伯尚德出捍牧

圉入趨宸極望實攸并謀猷允塞賢宜翊聖道厄于命

方叔元

一作未

老冉耕所病明明天子禮優致政曳履散

金頤真保性良辰何遽厚夜何長歸全故丘鞏

一作郎洛

之陽貞石是勒德音孔章於戲宣公百世不亡

文苑英華卷八百九十六

欽定四庫全書

文苑英華卷八百九十七 宋 李昉等 編

職官五

兵部尚書王紹碑一首

贈禮部尚書王端碑一首

贈吏部尚書武就碑一首

兵部尚書王紹神道碑 李 絳

元和九年冬十一月晦銀青光祿大夫兵部尚書判戶

部事上柱國太原郡公食邑二千戶王公歿于位君失
所重人懷其舊大事在戎以寧禍亂公實居兵部聚人
曰財以遷有無公實領地官天子以兵賦之柄畀于公
公以忠勞之力事于上垂玉佩累金印錫珪劍書社
開國鬱積公望綢繆主恩出入三朝始終二紀非重而
何非舊而何公諱紹字德素其先秦將剪之後剪孫離
楚漢之際以秦圍趙死于師子孫家于太原世為令族
曾祖威衡州耒陽令祖思獻襄州襄陽令父瑞工部員

外郎及公貴累贈禮部尚書咸以盛時沉於下位積有
惇德宜生達人公尚書第三子也少以厚實為士友所
重太師顏魯公守吳興特器之表授武康尉相國蕭徐
公察守馮翊並隨府授掾丁繼太夫人憂服除累授殿
中侍御史江西觀察推官遂踐臺閣自倉部員外郎遷
戶部兵部郎中專判戶部事未半歲超拜戶部侍郎寵
賜金紫復加朝散大夫即舊官判度支特遷戶部尚書
所領仍舊順宗諒闇姦豎竊柄拜工部尚書以錢穀自

關
伴去異已誠私計也上即位天下文明彞倫攸叙檢

校吏部尚書東都留守判都省事兼御史大夫克東都
畿汝州都防禦使保釐東郊鎮衛舊都風令既行姦盜
出奔遷檢校尚書右僕射徐州刺史兼御史大夫充武
寧軍節度度支營田兼徐泗宿濠等州觀察處置等使
居鎮六年復徵拜兵部尚書明年春詔兼判戶部事在
位三歲享齡七十有二徹席于長安永樂里之私第優
詔追贈尚書右僕射長子前門下省典儀玄泰次子劔

南東川節度掌書記大理評事攝監察御史玄質幼子
前右威衛倉曹參軍玄弼等克稟詩禮備著文行以十
年秋八月四日奉窆窆于萬年縣之洪固鄉以夫人贈
西河郡夫人李氏相祔焉夫人故河南少尹知府事贈
工部侍郎造之長女茂于懿範歸于令人先公而歿距
茲十九年矣異時同穴周公之制也夫君子之行已事
上也必執心而端其始立事而保其中踐道而要其終
當建中末盜起轂下乘輿南狩巴梁阨區膾藏空虛武

旅氣下德宗色動公時為御史大夫包佶水陸運鹽鐵
判官懷章表披荆棘懸束車馬陵踐山谷達本府之誠
懇策書獻當使金絲縑帛爛若波濤積如丘陵上於是
敷大號以布天地之施士由是濡厚澤以奮雷霆之用

將加寵授以獎忠勞公方以國難疾疑作疲懷求以詔書

復命致遠之度當時所稱豈不曰有其始乎貞元中公
以材智任職忠懃注意不疑可以進退海內之士可以
綰攝天下之柄人心所傾台位如寄公理財以義下不

厭其取處權以道上不惡其專內守持盈之誠外弘推
美之度及門而進與公同升布于顯列由乎陰陟誠無
二事績著一心豈不曰有其中乎元和初徐方喪師帥
人怙亂樂于禍以幸其利鼓其變以成其私氛沴已凝
氣燄方作公授鉞以出投袂而馳倍道而乘其未備輕
騎而出其不意先迷得主大衆歸心於是安進達以三
百騎叛於河城械繫而行乎軍令唐重靖以一十人奔
於桶橋檄召而收其武力散私積以勞賞發義徒以祛

弊推以誠信滌其疵瑕頑固革心疆內如春武經戎畧
存為故事豈不曰有其終乎是三者忠存于國政在於
人遺績未盡美化猶新况乎顯持世權陰行相事造膝
承顧沃心獻議注百辟之耳目奔九流之車騎入司國
賦之重出膺邦閫之寄考終厥命歸全于位非夫貞固
幹事明哲保身曷以臻於是乎然則篆琬琰表陵谷庶
乎實德宜無愧辭其洪纖之跡顯晦之用應機之速奮
才以光赫其位得君以薰灼于時備用于隴西之狀精

覈於弘農之誌今所書大者遠者而已文有詳畧蓋春秋之義焉銘曰

天賦才兮遇有期臣擇君兮審厥時公之達兮世所資
道之行兮人罕窺筦國權兮家以肥庭邦賦兮物不欺
人意傾兮主念隨陰德及兮顯命施龍上空兮盜乘機
位陽尊兮姦用竒聖運啓兮大人造王氣蕩兮英風掃
用邦鎮兮徐方道洛邑思兮彭城禱順者化兮叛者討
肅如霜兮偃如草中外使兮恩寵殊遷司馬兮領司徒

趨丹墀兮伏青蒲杜私門兮闢公途期方遠兮帝命俞
運何屈兮吾道孤松楸列兮龜筮符琬琰琢兮陵谷虞
往矣已焉兮噫噫嗚呼

故尚書工部員外郎贈禮部尚書王公神道碑

權德輿

今皇帝始初清明永貞紀號追命故工部員外郎王公
為華州刺史改元元和之明年再命為禮部尚書裕蠱
之風訓漏泉之慶澤父所以教忠於子臣所以移孝於

君人道之極盡於是矣公諱端字某太原人曾祖景肅
皇澧州刺史祖威德州司馬父思獻襄陽令公方嚴有
志尚沉粹潔清不流於俗舉進士宏詞連中甲科授崇
文館校書郎累遷監察御史殿中侍御史工部員外郎
其於奉朝請之外或介隴坻或畱洛邑以疾乞告遇安
祿山反書聞南浮集作遊江湖自適其適乾元己亥奄至
大病悲集作賦夫自開元天寶間萬方砥平仕進者以文
講業無他蹊徑集作遂薦紳之倫望二臺如登青天公與

河南元德秀天水閻仲璵同歲中正鵠其後冠惠文趨
建禮憲章奏議與名聲俱當時士君子猶以未克量為
歎其文峻清不汨於波流者還一齋記惠上人碣銘極
妙虛空深入無際嘗與故太師顏魯公暨柳郎中芳陸
員外據殷永寧寅為莫逆之交陸嘗言王之莊柳之辯
殷之介皆希代鴻寶知言者以為實錄有三子集作有
子三人

長曰綽入道精修為桑門上士次曰紆以文行薦實歷

官

集作
右

補闕起居郎右司員外郎庫部郎中次曰紹本

名犯皇帝諱而更馬忠厚宏裕為德宗所器歷仕戶部
侍郎兵部二尚書咨俞闕決過於宰府大政密議須其
一言持平以有守樹善而不伐天下之人謂之長者睿
聖繼明以檢校吏部尚書為東都留守東都畿內防禦
使以檢校右僕射為徐州刺史武寧軍節度使元和七
年入覲復為兵部尚書俄判戶部事四征六職烜赫尊
大故公再有追賜集作錫之命夫人亦累贈隴西郡太夫
人龍泉魚軒賁飾乎冥冥之下名教德器有哀有榮孝

理之感人深矣初公之捐館也行次信州瘞于玉山前
此夫人歿于洛師寔于潁陽僕射竭其誠信日月有時
矣不幸薨落理命其三子嗣事馬繇是僕射之孫曰門
下省典儀玄泰試大理評事攝監察御史玄質右威衛
倉曹叅軍玄弼等窮毒在疚護王父母之輜車間闕跋
履泣問著蔡以八月某甲子祔於萬年縣鳳棲原克纂
先志禮無違者而又哀請父黨篆茲祖德永揭神道用
無愧辭

集作愧
燕用辭

銘曰

懿懿王君黃中有文清時發身師集作舒翼卿雲執憲平

明含香馥

集作秘

飭慶靈下鍾復大其門追錫儀曹徽卓

顯尊鳳棲古原龜策不諛泣祔雙魂禮成孝孫刻銘斯
碑君子之墳

故中散大夫殿中侍御史潤州司馬贈吏部尚

書沛國武公神道碑 前人

種德考祥賢人積厚之業尊仁安義君子揚名之孝其
敬養也諭之於道其貽慶也教之以忠弘保乂於元臣

集寵靈於追命見之於尚書武公矣公諱就字廣成沛國人周室之興本於忠厚趙王之裔厥有勲賢元魏步

兵

唐宰相世系表作五兵

尚書鴈門朔方雲中馬邑四郡太守洽

啓封晉陽田祿益大生國子祭酒受陽公諱神龜受陽

四葉至太原王諱華太原生鄴國節公諱士逸節公生

河間郡王諱仁範河間生潁川武烈王諱載德代以文

武上才為將軍二千石識芒碭之氣密贊皇圖承沙麓

之祥公封戚里潁川生考功員外郎修文直

集作殿

學士

諱甄字平一以字行於時未弱冠有重名閱覽博學

集作

閱覽博古

為人之

集作文

龜玉在天后朝累徵不起以公族好

爵為懼常晦其明與桑門大士修無生法中宗復辟甫踐周行載筆論思特盛淵雲之選賦詩感激必以呂霍為誠雖位有陟降而道無磷緇叢滋後昆纂服遺烈公

即考功府君第三子也肅而清簡而廉忠方伉直信

集作

絕厚強固博洽文誼周通憲法始以方聞之士對詔策

佐宮衛李梁公峴之守右扶風也表為兵曹掾宣皇在

岐供侍有勞改永樂

一作榮

令歷河中府戶曹轂下求吏

轉萬年丞建陵復土推擇充奉拜醴泉令朝廷嘉其才

擢為殿中侍御史修起居注

集作矩度

堅明不回時朝廷

集無

此二字

戎車方駕泉貨力屈皇華載馳董荆衡漢沔之賦

以嚴見憚為吏議所侵貶郴縣尉句容丞二地有南嶽

三茅靈仙遺跡於是浩然自得以道為徒方解纓紱以

暢天理且曰窮與通在吾靈龜耳外物其如予何本道

觀察使挹其風聲薦授秘書郎潤州團練使入為京兆

尹集作曹加中散大夫忽忽不樂求為潤州司馬滿歲

徙家嵩洛愈尚夷曠中朝名卿大夫四方賢侯通人多

與公為道義之交賈太傅魏公用清靜理東郡以傾蓋

集作待公亦既戾止俄然化性時貞元六年冬十一月

享年七十八三字集理命終制視道門儀法以明月之

晦降體魄于邙山北原有靈鶴百數徊翔嘹唳其休徵

歟其立契歟惟公以集無文學政事泣官十二次冠神

羊駕四牡剛腸正詞臨事風生君子之方有迓有合或

忌公之直或愛公之才行藏牽乎時而道不屈得喪宜乎已而神益王嘗與張禮部謂元容州結歌詩唱和著文集五卷自有途中之適異乎澤畔之詞前夫人隴西李氏生長子譚而歿譚為金壇令士行清修官屈其志繼夫人汝南縣君周氏中書舍人思鈞之孫單父令瑛之女專柔淑慎以正家道有子曰元衡文行弘懿靜深周密遵道而行有儀可象代天工以熙帝載賦明命以贊皇極元和三年春正月由戶部侍郎拜門下侍郎

集無

此五
字 同中書平章事秋八月兼領戶部侍郎事冬十月

又以門下侍郎檢校吏部尚書成都尹劔南西川節度
觀察西川八國瀘南安撫等使自文水縣男徙封至臨
淮郡公上以井絡之下新去湯火亦既震耀是圖生殖
於是輟台宰之重為慈惠之師黃樞金鉉鉞鉞拒鬯旬
歲間三錫命烜赫嘉會綢繆樞極信嚮禮賜冠于羣倫
豈非公之道阨不申而昌大於後抑義方家法固有類
乎公捐館四年而夫人歿其明年臨淮公乃舉公之穴

集作

與夫人之喪改葬緱氏潁川王之兆從先封以叙

昭穆禮也初臨淮公至監察御史而孤其後再為中執

法朝典覃恩贈公杭州刺史其司大政也再贈公吏部

尚書夫人始追封文水縣太君益封汝陰郡太夫人顧

復罔極之報哀榮歸厚之禮成於德器名教稱之臨淮

公考功府君之謫掾于吳也與德興王考府君有僑札

之歡油素斯在音徽未泯德興獲與相君交代為地官

小司徒陪外廷之末議承宰府之寬政有命論譏忘其

菲薄刻茲樂石以表鮮原銘曰

君子之道剛方絜矩或消或長或默或語於惟尚書執
憲天朝密侍殿內肅清羣寮鋒銚肯綮湖海飄颻以恬
養智無落吾事溜合虛玄脫遺聲利劔題告第寵靈斯
備玄袞介圭流光所自煌煌台司天子是毗廕庥岷峨

灑灑癘疵視

集作顧

此忠力無非孝思緱氏峻原

集作維原峻厚

兮幽宅悠久崔嵬介石兮天嶠螭首鏤嘉聞兮以示厥

後

文苑英華卷八百九十七

欽定四庫全書

文苑英華卷八百九十八 宋 李昉等 編

職官六

故吏部侍郎元希聲碑一首

吏部侍郎奚陟碑一首

贈工部侍郎張誠碑一首

贈戶部侍郎崔浮碑一首

故吏部侍郎元公希聲神道碑

張說

良玉吐曜非媚荆人之斲幽蘭懷芳豈珍楚客之奏若夫克抱厥德不揭其明四海順風以弘道萬乘渴日而致用見於元公矣公諱希聲字某河南洛陽人也蓋顓頊之裔十三代祖魏昭成帝勲格皇天惠孚庶物駿啓靈命大昌于後故我曾大父隋尚書左丞弘尊賢愛人開物成務我大父隋南郡司法義恭禮樂是蹈詩書是好我皇考黃州刺史孝節政以禮成名以德舉奕

集作並

代集禮以洎于公公含真蘊靈幼有成量承顏善對實

譚

集作
覃

實訐母氏鞠育備于典訓三歲便善草隸書客

有聞而謬之者公援毫立就動有楷則故當時目曰神

童馬七歲屬文邈有高致十四通五經大旨百家之言

先儒未諭一覽冰釋四方儒墨之士由是嚮風矣雅尚

一作合冲漠脱落人事鼎鍾黼黻罔汨其志妙於鼓琴尤

工幽居綠水之操常抵

集作
祇

傲縱恣不求聞達兄通理

以其聲華太高諭其從事不得已舉進士授相州內黃

主簿臨下以簡人用宜之黃州府君薨決旬不怠葺而不懈至性之酷異類同傷於是昆弟胥命纍棘互勉負畚荷鍤躬自成墳故族稱元氏之孝服闋調補校書郎轉右金吾兵曹萬年主簿公之始至萬年也河洛肇基於天邑峻函分守於懿親鄔國公武攸望

按唐書攸望封萊國公攸

宜封息國公

地在維翰寄深鎮撫以公文吏之美僉為判官

凡有牋疏皆自公出朝廷嘉焉徵拜司禮博士則天大聖皇后萬幾之餘屬想經籍思欲撮羣書之要成一家

之美廣集文儒以筆以削目為三教珠英蓋一千二百
卷公首膺嘉命議者榮之書成克厭帝旨遷太子文學
主客考功二員外賞勤也皇帝續膺大業擢中書舍人
是時天地初復中外多務章奏交馳文誥疊委公操斧
則伐懸衡不欺至於獻納多所施用然而不樂處煩屢
乞外補上優而不許轉太常少卿無何吏部缺公雖虬
蟠不奮欲固其節而鶴鳴有聞終迫其用乃拜吏部侍
郎實能考才施以諗所立振幽滯以器所用簡而能通

清而不介輪栢畢舉衆論休之天錫不永清羸邁疾春
秋四十有六景龍元年某月終于某天子悼焉賻以粟
帛含襚之事即以景龍三年某月歸葬于某禮也懿交
暱友平生詞賦之客聚泣而評曰公事寡嫂撫孤姪以
義聞居閨門接昆弟以禮著黃州之酷昭其行也鄔國
之徵表其才也太常之舉見其高也吏部之僉彰其用
也况乎體道之要心無疵瑕包身之防口絕臧否非夫
全德具美自天離祉曷能臻此君子忠道之不立不患

壽之不永公道行矣奚其多傷而已哉有文集三十卷
行於世嗣子寄童胤之子嬰兒之慕夫人李氏故亳州
刺史某之女今主客郎中顥之從父妹也華首喪天帷
堂哭畫貌視孤疚哀感草木託詞于我故人庶以紀百
代之盛余與公一遇相得二紀同遊聯光粉闥接袂華
禁容範之好宛猶在集作存目宴謔之言未忘於耳追慨
疇曩援毫涕集公執交兵部侍郎洛陽張說吏部侍郎
范陽盧藏用當代英秀文華冠時而盧兼有臨池之妙

故張述銘盧篆石天下稱是碑有二美焉其

集無此字

詞曰

英英白雲瑞彼君輅
桃桃公子嘉我王度
魏后遺德作華天朝
臨氣應變直心遙遙
麟閣書仙鳳池墨妙
太常國禮少宰邦教
公之處之有倫有要
玉折其貞金斷其清
沒而不朽仁乎令名

故朝義郎守尚書吏部侍郎上柱國賜紫金魚

袋贈司空奚公神道碑

劉禹錫

嗚呼有唐清臣尚書吏部侍郎奚公貞元十五年十月

甲子薨于位詔贈禮部尚書太常考行謚曰某是歲臆

月丁酉葬于萬年

文粹作安

縣之某原後三十有四年子為

諸侯為大夫門戶有煒於是門下生琢石紀德揭于新

集作我

阡云公諱陟字殷衡

二唐書作殷卿

其先在夏為車正以

功封于薛下古以降為譙郡人或因仕適楚復之秦今

為京兆人隋唐之際再世以明經為博士家有賜書曾

祖簡亦以文學為太子司議郎大父乾繹仕至光州刺

史烈考諱某有道而尚晦終徐州司功叅軍贈和州刺

史由子貴也天以大運生萬物而以正氣鍾賢人至和
來宅其德乃具公實有焉幼而擢陵茗之秀長而成清
廟之器羣倫月旦咸以第一流處之

文粹無處
之二字

及從鄉

賦洎昇名太常果居上第明年詔郡國徵賢良設四科
以盡材公居文詞清麗之目授弘文館校書郎時德宗
新即位聲恒

文粹
作恒

虜庭西戎畏威底貢內附詔諫議大

夫崔河圖持節即虜帳以報之使臣欲盛其賓寮以自

大遂默表公為介授

集作
換

大理評事除書到門公方為

人子不敢辭

文粹作許
集作訴

以遠稱病弗果行歸寧壽春養

志盡敬丞相楊炎勇於用才擢公為左拾遺奉安輿而

西未幾再集茶蓼居從

集無
此字

後喪將闋是歲建中四年

京師急變黃屋順動狩于巴梁公徒行間道以歸王所

既中月而詔授起居郎充翰林學士創鉅愈遲病不拜

職改太子司議郎從大駕迴入尚書為司金元士且叅

權筦之務有頃持愍冊宣恩于薊門將行錫銀朱於

文粹

于作青蒲上復命稱旨轉吏部員外郎是曹在南宮為眉

目在選士為司命公執直筆閱簿書紛拏盤錯一瞬而
剖時文昌缺左右丞都曹差重遂轉左司郎中尋遷中
書舍人執事者繫公識精以斟酌大政非獨用文飾也
會江淮間民被水禍上愍焉特命公宣撫之許以便宜
及物赤車所至如東風變枯條其利病復奏咸可轉刑
部侍郎時主計臣延齡以險刻貴倖而與京兆尹充集作
相惡以危事中之尹充集作坐譴已又逮繫其吏峻繩之
事下司寇主奏議者欲文致而甘心焉公侃然持平挫

彼嶽嶽君子聞之善其知道不私刑曹既清以餘刃兼
領選事居一年授權知吏部侍郎又一年即真是秩言
能審官者本朝有裴馬盧李四君子物論以公媿焉時
得病發癰有國醫方直禁中上促遣如第且飭之曰某
賢臣也悉術以治之及有司以不起聞上震悼加等公
娶瑯琊王氏石泉公之曾孫友壻皆一時彥士長子某
蚤不祿第二子敬則歷太僕少卿今為濮州刺史兼侍
御史中丞錫金紫以連

集作
課

最就加貴秩俾視九卿第

三子敬玄以詞藝似續登文科歷左補闕今為尚書刑部郎中第四子足舉進士最小子某成砥礪纂修宜為名公家子其邁德垂裕之光也乎公少以名器自任及顯達急於推賢視其所舉則在西省薦權丞相由右掖

集作史

掌訓辭在中銓表楊僕射由地曹

集作郎字

綜吏部二

公後為天下偉人凡執文章權衡以揣量多士一入中禁考策詞三在天官第章句披沙剖璞由我而顯者落落然居多推是風鑒移于大治則鎔範之內無非祥金

嗟呼天不遐其福而孤民望使由庚之什不作於貞元

中惜也初公既

集作齊字

終詔贈大宗伯後以第三子在郎

位被霈澤再褒至司空故昔之葬儀用常伯而今之碑制用三公云銘曰

仁龍知麟為瑞一辰未若君子瑞于人倫惟唐德宗道

類漢宣貴實

文粹作督貴

繩下風稜言言公丁斯時籍在雋

賢從難表節執羈而還帝曰汝器黃流瑟然可為大僚

左右化源乃飾王度乃馳輜軒既執刑柄亦操吏

集作利

權陽和熙熙貯在顏間守法持正疑如秋山火不侵玉
倖臣畏伏鳳鳴祥煙臬噪低跽帝方倚用天不假年公
寐無寤其名愈遠門人達者赤烏玄袞公居甚卑其德
愈尊兩集作子朝服駢驅朱輪佳城何在胄貴之里螭
首龜趺德輝是紀嗚呼後人下拜于此

嶺南觀察推官贈尚書工部侍郎吳郡張公神

道碑銘

白居易

有唐嶺南觀察推官試大理評事吳郡張公大歷三年

十闕月八日終於伊川別墅五年八月七日葬于伊闕

縣中李原春秋五十五元和十三年詔贈主客員外郎

明年贈太常少卿又明年贈尚書工部侍郎夫人吳郡

陸氏貞元三集作二年某日終於某所春秋六十六追封

嘉興縣太君又封吳郡太夫人嗣子通議大夫守尚書

戶部侍郎判度支上柱國賜紫金魚袋平叔以長慶二

年某月某日立神道碑太原白居易文其碑云公諱誠

一作誠字老萊吳郡人父諱無擇和州刺史祖諱孝績袁

州司馬由高魯而上世德世祿載在和州府君碑內此
不書公年十八以通經中第及調判入高等授蘇州長

洲尉秩滿丁先府君憂既禫又丁先太夫人憂泣血六

年哀毀過禮

集作制

以方寸再亂始

一作始

無宦情既除喪

退居不調者累年而親友以大義敦責不得已而復起

選授左武衛將軍

集作騎曹

叅軍分司東都屬安祿山陷覆

洛京以偽職淫刑脅劫士庶公與同官范陽盧巽潛遁

于陸渾山食木實飲泉水者三

集作二

年迄不為逆命所

汙及肅宗嗣位詔河南尹薛伯連搜訪不仕賊庭隱藏山谷者伯連得六人以應詔而公與巽在焉繇是名節聞于朝野君子以為知道優詔褒美特授密縣主簿未周歲遷宋州碭山縣令時睢陽當大兵後野無草里無人公撫之一年襁負至二年汙萊闢三年衣食足及解印去縣民相率泣而餞之君子以為知政嶺南節度觀察使李勉偉人也既高公陸渾之節入美碭山之政欲以名職禮命起而大之遂奏授試大理評事充觀察推

官及除書簡牒到門即公捐館舍之明日也才如是命如是嗚呼哀哉公常自負其才不後於人自疑其命不偶於世及將去礪山而反伊川也頓駕搦管沉嘆久之

因賦詠懷詩云論成方辯命賦罷即歸田竟如其

集作是

言終于衡茅之下君子以為知命公有三子曰平仲平叔平季夫人陸氏即國子司業集賢殿學士善經之女賢明有法度初公既沒諸子尚幼夫人勤求衣食親執詩書誨

集作諷

而道之咸為令子又嘗以公遺志擇其子

而付之故平叔卒能振才業致名位追爵命揭碑表繼
父志揚祖德此誠孝子順孫之道也亦由夫人慈善教
誘之德浸漬而成就之不其然乎居易常辱與戶部遊
而知其家事治見託謨述庶傳信焉銘曰

猗嗟碭山以文行保家聲以義節振時名以惠政撫縣
民而職不登諸侯卿秩不及廷尉評悲哉猗嗟碭山前
有和州名德如彼後有戶部才位若此才子之父名父
之子賢者兼之可謂具美休哉

故湖州長城縣令贈戶部侍郎博陵崔府君神

道碑

前人

公諱孚字某古太嶽胤也今博陵人也唐虞之際因生
為姜姓暨周封齊分類曰崔氏長源遠派大族清門珪

組賢俊準繩

一作繩

濟美斯崔氏所以綿千祀而甲百族

也隋散騎常侍諱洽公六代祖也唐冀州武強令諱紹

魯祖也監察御史諱預王父也常州江陰令諱育皇考

也公幼以門

集作陰字

子補太廟齋郎初調授汝州葉縣尉

再調改宋州單父尉時天寶末盜起燕薊毒流梁宋屠
城殺吏如火燎原單父之民將墜塗炭公感激奮發仗
順興兵挫敗賊徒保全鄉原拳勇之士歸之如雲方欲
糾合貔虎毆誅蛇豕京觀羣盜金湯一方本道節度使
竒之將議上聞會有同事者爭功陰相傾奪公超然脫
屣遂以族行東遊江淮安時俟命屬吳王出閣領鎮求
才撫人常聞公名試以吏事遂表請為宋城尉事畢

集作


舉移假連水令賞緋魚袋縣政脩轉常州錄事叅軍糾

察課成浙東採訪使聞之奏授越州餘姚令吏畏人悅
歲未滿浙西採訪使知之奏改湖州長城令長城之理
又加於前二邑焉政成秩滿解印罷去優游自得獨善
其身興元元年疾歿于宋太和五年遷葬于洛陽享年
若干詔贈尚書戶部侍郎夫人隴西李氏追封鼓國太
集無此字夫人皆從子貴也公為人儀表魁梧氣槩個儻負
不羈之才慕非常之功始發軔於單父志立而功不就
終稅駕於長城道行而位不達善慶所積實生司空諱

弘禮公之幼子也以學發身以文飾吏以幹蠱克家以
忠壯許國典十郡領三鎮再釐東土追命上功雖天與
之才國與之位亦由公義方之訓輔而成焉大丈夫貯
蓄才術樹置功利鎡基富貴焯燿家邦不當其身而得
於後父析子荷相去幾何嗚呼崔公何不足之有按國
典五品已上墓廟得立碑又按喪葬令凡諸贈官得同
正官之制其孫彥防彥佐等奉父命述祖德揭石于墓
勒銘于碑銘曰

天無全功賢無全福既享天爵難兼世祿矯矯崔公道
積厥躬大志長畧卷于懷中黃綬遇寇思奮竒功銅印
字人躬行古風才高位下步濶塗窮竟戢羽翮不展心

關
天道關知善積慶鍾昭哉報施其在司空



文苑英華卷八百九十八